



Comune di Quartu Sant'Elena
Comunu de Quartu Sant'Aleni



MONUMENTUS DE QUARTU SANT'ALENI

Sa dom' e farra

Sa dom' e farra est una domu campidanese chi de su 1978 diventat su primu museu etnograficu sardu, gràtzias a su fundadori, su Cavaliere Giovanni Battista Musiu chi dd'iat cuncodrada cun unus cantu repertus de sa traditzioni e de su connotu de is messajus, ogetus e ainas de sa cultura populari e cun is trastus de sa domu quartese de su meri, arregordendi sa manera de bivi e is traditzionis de sa sotziedadi sarda de is sèculus passaus.

In su 2008 sa Regioni donat sa domu museu a su Comunu de Quartu comenti sìmbulu identitariu de sa comunidadi quartese e de sa cultura campidanese de sa messarja.

Po sa tzitadi custa domu antiga est sa domu de sa comunidadi, ca si nc'agatant is orìginis suas cun s' avaloramentu de sa sabidoria de is mannus, e est finas unu logu po turistas e visitadoris.

